

## ВИЛОЯТ ҲОКИМИНИНГ САЙЁР ҚАБУЛИ: МУАММОЛАР ЖОЙИДА ҲАЛ ЭТИЛДИ

Фарғона вилояти ҳокими Шуҳрат Ғаниев Ёзёвон тумани аҳолиси билан юзма-юз мулоқот ўтказди. Унда ўттизга яқин аҳоли вакилларининг ижтимоий, иқтисодий масалалари билан боғлиқ муаммоларига ечим топилди, ҳуқуқий маслаҳатлар берилди.

Сайёр қабул давомида жойларда тоза ичимлик суви, йўл, электр таъминотини яхшилаш, тадбиркорлик фаолиятини йўлга қўйиш, имтиёзли банк кредитлари олишда тўсиқ бўлаётган муаммоларга алоҳида эътибор қаратилди.

- Маҳалламиизда тоза ичимлик суви йўқ, электр таъминотида юзага келаётган узилишлар, ички йўлларни тартибга солишда амалий ёрдам беришингизни сўраймиз, - деди тумандаги Юқори сойбўйи маҳалла фуқаролар йиғинида яшовчи Мұҳаббатхон Ғаниева. - Ичимлик суви олиб келиш учун узоқ йўл юришга мажбурмиз, ёғингарчилик бўлса кўчага чиқишининг имкони йўқ. Хатто тез ёрдам машиналари ички кўчаларга киришда қийинчиликларга учраб туради. Бу борада тумандаги мутасадди ташкилотларга бир неча бор мурожаат қилдик. Ҳамма келиб ўрганиб кетади, амалий натижа эса йўқ.

Мулоқот жараёнида аҳолининг ҳақли эътирозига сабаб бўлаётган масалаларни зудлик билан бартараф этиш юзасидан мутасаддиларга кўрсатмалар берилди, ижро назоратга олинди.

Тошховуз маҳалла фуқаролар йиғини Серсув кўчасида яшовчи Авазбек Убайдуллаев фуқароларнинг хонадонлари ертўласи ва экин майдонларида сизот сувлар тўпланиб қолаётгани юзасидан мурожаат қилди. Вилоят ҳокими туман сув хўжалиги мутасаддиларига бир ҳафта муддат ичida муаммони бартаф этиш, сизот сувларини қочириш, сув йўллари, коллекторларни тозалаш учун зарур бўлган техника ва ёқилғи мойлаш маҳсулотлари, ишчи кучи ажратиш юзасидан кўрсатма берди.

Умиджон Ўрмонов уч ой аввал “Агробанк” Ёзёвон филиалига асаларичиликни ривожлантириш учун керит олиш мақсадида барча зарурий ҳужжатларни тақдим этган, таъминотчи томонидан асалари уялари етказиб берилган бўлсада, шу кунга қадар сўралган мабағ ажратиб берилмаган. Мулоқотда ўзини ўзи банд қилган фуқаро ташаббуси ҳар жиҳатдан қўллаб-куватланиб, тармоқ фаолияти учун банк кредити ажратишда юзага келган тушунмовчилик шу ернинг ўзида ҳал этиб берилди.

“Марказий Фарғона” маҳалла фуқаролар йиғинида яшовчи Ҳувайдо Эргашева маҳаллада тоза ичимлик суви таъминотида юзага келган муаммони ечишга амалий ёрдам сўради. Вилоят ҳокими сув таъминотини бартараф этиш билан бирга, хотин-қизлар учун “Гўзалик салони” қуриш борасида ташаббускор тадбиркорларни қўллаб-куватлаш мақсадида керакли сармоя, бино қуришга жой ажратиб бериш юзасидан зарурий топшириқ берди.

---

вазифалари, ҳуқуқий билим ва кўникмаларини оширишга ҳам эътибор қаратилди.

Фарғона вилояти ҳокимлиги Ахборот хизмати Facebook, Telegram, Веб сайт, YouTube

2020-06-18 20:47:53